



Delta razotkrila švercere duhana

Svih 26 uhapšenih je nakon ispitivanja pušteno na slobodu, dok se za četiri osobe traga

U akciji Delta koju su preključer izveli pripadnici **SIPA** uhapšeno je 26 osoba osumnjičenih za krivična djela organizirani kriminal, nezovoljen promet akciznih proizvoda i pranje novca. Prema riječima Luke Miladinovića, portparola **SIPA**, svi su ispitani i uz saglasnost postupajućeg tužitelja pušteni na slobodu.

- Osim toga, još pet osoba je ispitano u svojstvu svjedoka. I oni su pušteni, dodao je Miladinović, ne želeći otkrivati više detalja.

Nezvanično saznajemo da **SIPA** traga za još četiri osobe, od kojih su tri van BiH i navodno se kriju u Hrvatskoj. Osumnjičeni u ovom predmetu se terete da su oštetili budžet BiH za 36.000.000 KM po osnovu neplaćene akcize.

Tokom akcije su pretresene 32 lokacije u Brčkom, Obudovcu, Bijeljini, Tuzli, Srebreniku, Živinica-ma, Sarajevu, Zenici, Travniku, Novom Travniku, Vitezu, Posušju, Grudama, Ljubuškom, Mostaru i Tomislav-Gradu.

Prilikom pretresa otkriveni su i privremeno oduzeti predmeti traženi naredbama, odnosno tri mašine za sječenje duhana, osam ručnih mašnica za motanje cigareta, 14.215 kutija cigareta, 35.720 komada rinfuznih cigareta, 37 mobitela, šest digitalnih vaga, veća količina duhana za pušenje, duhana u listu i rezanog duhana, jedan pečat, novac, dvije automatske puške sa 134 komada pripadajuće municije i šest okvira te određena poslovna dokumentacija. A. B. Č.



Osim cigareta, u akciji su oduzeti duhan, novac, pečat...